

矣尋思往事千頭萬緒回首情如夢裏指烟霄不如歸去不知
今夕何夕 鶉衣百結臍脂垢膩猶是小蠻針指對酒逢詩高
吟大笑四海今誰似荷亭竹閣共風同月此會今生能幾君須
記去來聚散只慍底是

又懷僊樓

極目颼塵表醉酣時樓中起舞樓前舒嘯坐見四山烟霧散是
處落花啼鳥忽驚下九天星斗雙鶴飛來風露爽一聲聲清唳
蒼松杪奈對景不釀酒 舊家三點蓬萊小有瑤臺雙闕長是
香花繚繞鐵笛夜吹金劔吼憾此瀛洲路杳知幾度琪株春老
閑倚朱欄思昨夢對江山感慨無人曉但千里月華皎

道藏輯要

白真人集

三

妻

婁集三

X〇〇〇

醉江月春日

桃花開盡正溪南溪北春風春雨寒食清明都過了愁殺一聲
杜宇醉跨蹇驢踏翻芳草滿滿斟鸚鵡游仙夢覺不知身在何
處 因甚青鳥不來一年春事撚指都如許人在白雲流水外
多少鶯啼燕語遣興成詩烹茶解酒日落薔薇塢玉龍嘶斷亂
鴉驚起無數

促拍滿路花和純陽韻

多才誇李白美貌說潘安一朝成萬古又徒閑何如猛省心地
種仙蟠堪嘆人間事泡沫風燈阿誰肯做飛仙 莫思量駿馬
與高軒快樂任天然最堅似松柏更凋殘有何憑據誰易復誰

難長嘯青雲外自嗟自笑了無憾海愁山

卜算子景泰山次韻東坡三首

雲散雨初晴蟬噪林逾靜古寺敲鐘暮掩門燈映琉璃影
浩氣鎮長存昨夢還重省獨倚欄杆嘯一聲毛髮蕭蕭冷

二

古寺枕空山樓上昏鐘靜飢鼠偷燈尾蘸油悄悄無人影
長劍匣中鳴今古深思省此夕行藏獨倚樓風雨淒淒冷

三

漁火海邊明烟鎖千山靜獨坐僧窗夜未央寂寞孤燈影
感慨興懷往事無人省江漢飄浮二十年一枕西風冷

道藏輯要

白真人集

美

婁集三
川上八

蝶戀花

綠暗紅稀春已暮燕子啣泥飛入誰家去柳絮欲停風不住杜
鵑聲裏山無數白馬青衫無定據好底林泉信腳隨緣寓拚
卻此生心已許一川風月聊爲主

沁園春送王侍郎歸三山

錦繡文章珪璋聞望碧落侍郎昨履聲漸近星辰避次竹符重
剖湖海生光委羽天空石橋水冷每爲泉生時雨滂君知否是
民心襦袴吏膽冰霜少須召入鴈行也不念無人荷紫囊有
本朝曾日移春手段舊家義獻補月心腸此去三山卻登八座
已準金甌姓字香還朝處雙鳧作對五馬成行